

Meeqqat inuusuttuaqqallu timersortinneqartarnerannut tunngatillugu ENGSO-miit inassutigineqartut

Timersuutigineqartariqartut

Kikkut tamarmik periarfissinneqartariaqarput timersornikkut tunngaviusumik ilinniagassat ilinniarnissaannut.

Peqqinnissaq, isumannaatsumik ingerlatsinissaq nuannisarnissarlu angusarissaarnissamit torrallaanissamillu pingaartinneqarnerussapput.

Meeqqat inuusuttuaqqallu soqutigisaqartut tamarmik periarfissinneqartariaqarput timersornikkut pikkorissutsimik pitsanngorsarnissaannut.

Timersoqatigiit Kattuffiata pingaartinnerusariaqarppaa meeqqat inuusuttuaqqallu tamati-goortumik timersortinneqartarnissaat siusippallaamik immikkut pikkorissartitsisarnissamiit. Pinnguarneq nuannisarnissarlu pingaartinnerullugit siulliunneqartariaqarput.

Meeqqat inuusuttuaqqallu qiimmassarneqartariaqarput namminneerlutik pinnguarnissaminnik timersornissaminnullu aaqqissuussisinnanissaannik.

Atuarfiit, timersoqatigiiffiit specialforbundillu meeqqanut inuusuttuaqqanullu timersortitsisarnissamik neqerooruteqartut eqqanaartariaqarfaat piffissaq agguaqatigiissillugu unam-misitsinernut atorneqartartoq sivikinnerungaatsiartariaqarmat piffissamit agguaqatigiissillu-gu sungiusarnermut atorneqartartumit sapaatip akunnera eqqarsaatigalugu.

Meeqqat:

Meeqqat timersortinneqartarneranni timersuutit assigiinngitsut eqqarsaatigalugit tamati-goortunik imaqartinneqartariaqarput.

Meeqqat 13-nit inorlugit ukioqartut taamaallaat Kalaallit Nunaanni unamminerni peqataa-tinneqartariaqarput.

Inuusuttuaqqat:

Specialforbundit timersoqatigiiffiillu timersornikkut pilersaarusiortullu neqerooruteqarsin-naasariaqarput imaasillugit, inuusuttuaqqat pikkorissutsimikkut ineriartortinneqarnissamut pitsanngoriartorsinnaanissamullu periarfissinneqartariaqarlutik.

Specialforbundit unammisitsisarnikkut qinigassaasinnaasunik allanik ineriartortitsillutillu aallartitsisinnaasariaqarput inuusuttuaqqanut tamati-goortumik timersornermik ingerlatseru-suttunut naleqqussakkanik.

Meeqqanik inuusuttuaqqanillu tamaviaartitsivallaarnaveersarit

Specialforbundit timersoqatigiiffiillu suleqataaffigisariaqarfaat meeqqat timersornikkut piukkunnaateqarluartut angusarissaarneroqqullugit tamaviaartipallaarneqassanngimmata. Timersornermik nuannarisarqarneq pingaartinneqarnerpaassaaq, aammalu meeqqat tama-viaartippallaarneqartariaqanngillat peqataarususinnaanissaraluamik unitsitsisumik.

Meeqqanut inuusuttuaqqanullu anguniagassat tunngavigisassallu pingaartut

Timersoqatigiit Kattuffiata, specialforbundit timersoqatigiiffiillu timikkut, eqqarsartariaatsikkut aalassarissutsikkut peqatigiissinnaanermilu piginnaassutsinik ineriartortitsineq pingaarnertuttariaqarpaat ataasiakkaat iluatsisimaarsinnaanerannit unamminernilu torrallaasinnanerannit. Unammisarnarit nuannersuusariaqarput. Nuannisartarnerit pinnguarsinnaanerillu tamatigut pingaartinneqartariaqarput meeqqat inuusuttuaqqallu timersortinneqartarneranni.

Siulersuisussanik sungiusaasussanillu ilinniartitsisarnermi pitsaassutsimik qulakkeerinissaq

Timersoqatigiit Kattuffiata specialforbundillu Inuiaqatigiinni Oqartussaasut suleqatigalugit qulakkeertariaqarpaat meeqqanik inuusuttuaqqanillu timersortitsisarnermi sungiusaasut siulersuisut ilinniartitsisussallu ilinniartinneqarnissaat.

Anguniarneqartussaassaaq meeqqanut inuusuttuaqqanullu timersuutit neqeroorutigineqartussat pitsaassutsimikkut qulakkeerneqarsimanissaat. Timersuutigineqartut tamarmik ingerlatsisoqartariaqarput siulersuisunik, sungiusaasunik ilinniartitsisunillu pisinnaassuseqarluartunik pikkorissunillu.

Kikkuugaluartut meeqqanik inuusuttuaqqanillu akisussaaffeqartut periarfissaqartariaqarput naammaginatsumik pisinnaassuseqalernissamut pikkorissuseqarlernissamullu, tamannalu pisassaaq Timersoqatigiit Kattuffiannit pikkorissartarnissanut neqerooruteqartarnikkut. Inuit pikkorissuseqalersimasut meeqqat inuusuttuaqqallu timikkut, eqqarsartariaatsikkut, aalassarissutsikkut aammalu peqatigiissinnaanermi ineriartortarnermik ilisimasariaqarput.

Inuiaqatigiinni Oqartussaasut qulakkeertariaqarpaat tunngaviusumik qutsinnerusumillu timersornikkut pikkorissartitsisarnermi ilinniartitsisut pikkorissut ilinniartinneqarnissaat.

Meeqqat inuusuttuaqqallu aalajangeeqataasinnaanermik pisussaaffiat

Meeqqat inuusuttuaqqallu qiimmassarneqartariaqarput periarfissinneqartariaqarlutillu namminneq timersornissaminnut pilersarusioqataanissaminnut.

Timersoqatigiit Kattuffiata specialforbundillu eqqanaartariaqarpaat inuusuttuaqqat kattuffiup iluani sunniuteqaqataasinnaanerat. Timersornerup iluani kikkut tamarmik oqartussaaqataasinnaanerat malunnarluartariaqarpoq.

Timersorneq ima ilusilersorneqarsimasariaqarpoq inuusuit pikkorissuseq apeqqutaatinagu aalajangiisarnerni peqataasinnaasariaqarlutik. Inuusuit namminneq sungiusartarnermini, unammisarnerni aammalu suliniutissatut pilersaarutit najoqqutassallu sularineqarnerini sunniuteqaqataasinnaasariaqarput. Inuusuit kajumissaarneqartariaqarput namminneq timersortarnermini akisussaqaqataasariaqarnerannik.

Namineq aalajangeeqataasinnaanerup ilagisariaqarpaa inuusuit namminneq soqutigisamik aallunneqarnissaannut namminneq sinniisussaminnik toqqaasinnaanissaat, soorluli inuusuttunut allanut kattuffeqarfii taamaattartut.

Timersortarnerup inuusuit timersorusunngitsut timersoqatigiiffiup iluani suliassanik allanik neqeroorfigisinnaasariaqarpai.

